

UPRAVA DRUŠTVA

Broj: U.D.01.04.-3710/20

Sarajevo, 27.02.2020.godine

Na osnovu člana 45. Statuta, člana 14. stav 2. Pravilnika o javnim nabavkama i člana 70. Zakona o javnim nabavkama, kao i preporuke Komisije za nabavku naloga za plaćanje i poštanskih uputnica broj: 07.4-26.5-18978-25/19, od 26.02.2020.godine, Uprava Društva na 258.elektronskoj sjednici održanoj dana 27.02..2020.godine d o n o s i :

**ODLUKU
O IZBORU NAJPOVOLJNIJEG PONUĐAČA****I**

Ovom Odlukom poništava se odluka, broj: U.D. 01.04-3122/20, od 18.02.2020. godine.

II

Ovom Odlukom se vrši izbor najpovoljnijeg drugorangiranog ponuđača " **BIROTEHNIK-KOMERC** " d.o.o. Sarajevo, za nabavku naloga za plaćanje i poštanskih uputnica, a koja je izuzeta od primjene Zakona o javnim nabavkama shodno članu 86. stav 1) pod (a), sa ukupnom vrijednošću ponude u iznosu od 56.500,00 KM, bez PDV-a, odnosno sa ukupnom vrijednosti od 66.105,00 KM, sa uračunatim PDV-om.

III

Ova odluka stupa na snagu danom donošenja.

Obrazloženje

Na osnovu Rješenja Generalnog direktora o imenovanju komisije za provođenje postupka nabavke naloga za plaćanje i poštanskih uputnica, broj: 01-26.5-18978-3/19, od 31.12.2019. godine i Odluke o pokretanju postupka javne nabavke naloga za plaćanje i poštanskih uputnica, broj: U.D.-01-3.1-19565/19, od 27.12.2019. godine, Komisija je provela postupak javne nabavke u skladu sa članom 86. Stav 1. pod a) Zakona o javnim nabavkama, a koja je izuzeta od primjene odredbi Zakona, te je pozive za dostavljanje ponuda uputila na adrese 7 (sedam) potencijalnih ponuđača. Poziv je također objavljen i na web stranici Ugovornog organa.

Otvaranje ponuda u postupku predmetne nabavke održano je dana 05.02.2020. godine u 12:30h, u Banket sali Generalne direkcije " JP BH POŠTA " d.o.o. Sarajevo, Obala Kulina bana br.8, o čemu je napravljen poseban Zapisnik o otvaranju ponuda, broj: 07.4-26.5-18978-23/19, koji je sastavni dio ovog izvještaja.

Na Protokol Društva do roka određenog za prijem ponuda (05.02.2020. godine, do 12 sati), pristigle su ponude slijedećih ponuđača:

1. " **ŠTAMPARIJA FOJNICA** " d.d. Fojnica
2. " **PRIMAPROM** " d.o.o. Banja Luka
3. " **SVJETLOST-BH PRINT** " d.o.o. Sarajevo
4. " **PLANJAX KOMERC** " d.o.o. Jelah
5. " **BIROTEHNIK-KOMERC** " d.o.o. Sarajevo

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:



1. Da ponuda ponuđača "ŠTAMPARIJA FOJNICA" d.d. Fojnica, sa ukupnom vrijednosti ponude, bez uračunatog PDV-a, u iznosu od **99.000,00 KM**, prelazi procijenjenu vrijednost nabavke, odnosno iznos od 60.000,00 KM, bez uračunatog PDV-a, ali ispunjava sve ostale uslove utvrđene tenderskom dokumentacijom, te je ista ocijenjena kao prihvatljiva.
2. Da ponuda ponuđača "PRIMAPROM" d.o.o. Banja Luka, sa ukupnom vrijednosti ponude, bez uračunatog PDV-a, u iznosu od **121.000,00 KM**, prelazi procijenjenu vrijednost nabavke, odnosno iznos od 60.000,00 KM, bez uračunatog PDV-a, ali ispunjava sve ostale uslove utvrđene tenderskom dokumentacijom, te je ista ocijenjena kao prihvatljiva.
3. Da ponuda ponuđača "SVJETLOST-BH PRINT" d.o.o. Sarajevo, sa ukupnom vrijednosti ponude, bez uračunatog PDV-a, u iznosu od **51.050,00 KM**, ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva.
4. Da ponuda ponuđača "PLANJAX KOMERC" d.o.o. Jelah, sa ukupnom vrijednosti ponude, bez uračunatog PDV-a, u iznosu od **64.400,00 KM**, prelazi procijenjenu vrijednost nabavke, odnosno iznos od 60.000,00 KM, bez uračunatog PDV-a, ali ispunjava sve ostale uslove utvrđene tenderskom dokumentacijom, te je ista ocijenjena kao prihvatljiva.
5. Da ponuda ponuđača "BIROTEHNIK-KOMERC" d.o.o. Sarajevo, sa ukupnom vrijednosti ponude, bez uračunatog PDV-a, u iznosu od **56.500,00 KM**, ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva.

Nakon svega gore navedenog, utvrđena je rang lista ponuđača, bez PDV-a, kako slijedi:

1. "SVJETLOST-BH PRINT" d.o.o. Sarajevo.....	sa cijenom	51.050,00 KM
2. "BIROTEHNIK-KOMERC" d.o.o. Sarajevo.....	sa cijenom	56.500,00 KM
3. "PLANJAX KOMERC" d.o.o. Jelah.....	sa cijenom	64.400,00 KM
4. "ŠTAMPARIJA FOJNICA" d.d. Fojnica.....	sa cijenom	99.000,00 KM
5. "PRIMAPROM" d.o.o. Banja Luka.....	sa cijenom	121.000,00 KM

Na osnovu utvrđene rang liste, Komisija je dala preporuku Upravi Društva da donese Odluku o izboru najpovoljnijeg ponuđača, "SVJETLOST-BH PRINT" d.o.o. Sarajevo, sa cijenom od 51.050,00 KM, bez uračunatog PDV-a. Uprava Društva je donijela Odluku o izboru najpovoljnijeg ponuđača, broj: U.D. 01.04-3122/20, od 18.02.2020. godine. Odluka je prosljeđena ponuđačima koji su dostavili ponude. Na istu je Ugovorni organ zaprimio obavijest najpovoljnijeg ponuđača putem e-maila, dana 21.02.2020. godine u kojoj obavještava da nije u mogućnosti pristupiti potpisivanju ugovora jer je pogrešno procijenio postupak nabavke i zahtjeve. Nadalje, s tim u vezi naglašava da ni cijena njihove ponude nije adekvatna te nisu u mogućnosti ponuditi uslove iz ponude.

Obzirom da ponuda drugorangiranog ponuđača "BIROTEHNIK-KOMERC" d.o.o. Sarajevo, nakon obavijesti prvorangiranog ponuđača "SVJETLOST-BH PRINT" d.o.o. Sarajevo da odustaje od ugovora u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

